



UPA 2023/125

11/5-2023

Nivi Olsen

**Naalakkersuisut nuna tamakkerlugu puigortunngortunik ataqtigiissaarisussamik pilersitsinissaannut sulinummik misissuinissaanik peqquneqarnissaannik Inatsisartut aalajangigaassaattut siunnersuut.
Misissuinerup inernerter UPA2024-mi saqqummiunneqassaaq.**

(Inatsisartuni ilaasortaq Paneeraq Olsen, Naleraq)

(Siullermeerneqarnera)

Qujanaq Inatsisartuni ilaasortaq Paneeraq Olsen siunnersuummut.

Utoqqaat amerligaluttuinnarput, tamanna iluarismaarnarluni nunamilu tamarmi ilaqtariinnut nuannaarutaasorujussuulluni. Aammali utoqqaat amerlinerisa kinguneraattaaq, utoqqalinermi nappaatinut soorlu puigortunngornermut ukkatarinnittariaqarnerput. Tamanna tunngavigalugu Demokraatit nuna tamakkerlugu puigortunngortunik ataqtigiissaarisussamik pilersitsinissamut isuma ilalernartippaat.

Isumaqpugut, nuna tamakkerlugu puigortunngortunik ataqtigiissaarisooqnerup puigortunngorneq puigortunngornerullu nappaatit malitsigisassai ataqtigiinnerusumik pingarnersiuillunilu suliniarnernik kinguneqassasoq.

Puigortunngortunik ataqtigiissaarisup paaqqutarinninnerup pitsaassusaa qaffassarsinnaavaa peqqinnissaqarfimmi sulisut allallu puigortunngortut paaqqutarinnittut ilisimasaannik pikkorissusaasalu pitsanggorsarnissaannut. Taamatuttaaq tassunga atatillugu ataqtigiissaarisup ukkatarisinaassavaa, puigortunngorneq ilaatigut qanoq pinaveersaartinneqarsinnaanersoq suullu ersiutit sianigisariaqarnersut nappaatip sapinngisamik siusinaartumik paasinissaanut.

Ajungissangaluarpoq, nuna tamakkerlugu puujortunngortunik ataqtigiissaarisooq utoqqaat illersuisuanik qanimut suleqateqarsinnaappat ataatsimoorussamik suliniuteqarnissaq siunertaralugu, politikkikkut annertunerusumik puigortunngorneq pugortunngornermilu nappaatinik ukkatarinninnerunissamik malitseqarsinnaammatt.

Demokraatit siunnersuut akuereqqullugu innersuussutigaat Ilaqtariinnermut- aamma Peqqissutsimut ataatsimiitaliami suliareqqinnejarnissaa innersuussutigalugu.